

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
Komisija za izbor
S A R A J E V O

Datum objavljivanja:
14.12.2021. godine

Na osnovu člana 58. Zakona o policijskim službenicima Kantona Sarajevo ("Službene novine Kantona Sarajevo" broj: 38/18, 26/19 i 39/20), člana 21. i 22. a u vezi sa članom 23. stav (2) Pravilnika o sadržaju načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 18/21), te člana 3. stav (1) tačka c) Pravilnika o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo ("Sl. novine Kantona Sarajevo", br. 44/19 i 50/20), Komisija za izbor objavljuje:

O B A V J E Š T E N J E

Obavještavaju se kandidati koji su u proceduri Javnog konkursa za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu POLICAJAC"- 200 izvršilaca, objavljenom dana 31.05.2021. godine, ostvarili eliminacioni prag na Testu opšteg znanja i Testu fizičke sposobnosti da je Komisija za izbor izvršila bodovanje kriterija propisanih Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo.

Nakon izvršenog bodovanja kriterija propisanih navedenom Uredbom, kandidati koji su ostvarili eliminacioni prag na testu opšteg znanja i testu fizičke sposobnosti rangirani su prema ostvarenim rezultatima u **TABELI - Spisak kandidata koji su ostvarili eliminacioni prag na testu opšteg znanja i testu fizičke sposobnosti, nakon bodovanja po Uredbi, rangirani prema ostvarenim rezultatima, opadajućim slijedom.**

Prvih 200 (dvijestotine) kandidata pobrojanih u TABELI, upućuju se na ljekarski pregled u JU Zavod za zdravstvenu zaštitu uposlenika Ministarstva unutrašnjih poslova Kantona Sarajevo, sa sjedištem na adresi Alije Isakovića br. 3, Sarajevo, u vremenu i po grupama kandidata prema rasporedu prikazanom u navedenoj tabeli.

Prije ljekarskog pregleda, kandidatima će se utvrditi identitet, te su dužni sa sobom imati ličnu kartu ili drugi važeći identifikacioni dokument sa fotografijom. Kandidati će od strane ovlaštenog uposlenika Zavoda i ovlaštenog predstavnika Komisije za izbor dobiti dalje upute o provođenju ljekarskog pregleda.

Utvrđivanje zdravstvene sposobnosti provodit će se prema odredbama Pravilnika o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo ("Sl. novine Kantona Sarajevo", br. 44/19 i 50/20), te prema Metodologiji ljekarskog pregleda kandidata za popunu upražnjenih radnih mjesta policijskih službenika za početni čin „policajac”, br. 01-1-331/21 od 24.05.2021. godine, objavljenoj na oglasnoj ploči i na internet stranici Ministarstva prilikom objave Javnog konkursa dana 31.05.2021. godine.

Shodno Metodologiji ljekarskog pregleda kandidata za popunu upražnjenih radnih mjesta policijskih službenika za početni čin „policajac”, ljekarski pregled će obuhvatiti opštu i posebnu zdravstvenu sposobnost kandidata, te su u skladu sa navedenom Metodologijom, **kandidati prilikom provođenja ljekarskog pregleda dužni sa sobom donijeti medicinsku dokumentaciju na osnovu koje će se utvrditi porodična i lična anamneza.**

Opšta i posebna zdravstvena sposobnost za kandidate koji su ostvarili najveći broj bodova u proceduri zapošljavanja i upućivanja na osnovnu obuku za kadete, utvrđuje se ocjenom „sposoban za obavljanje poslova policijskog službenika” ili „nesposoban za obavljanje poslova policijskog službenika”. JU Zavod za zdravstvenu zaštitu uposlenika Ministarstva unutrašnjih poslova Kantona Sarajevo će obavijestiti kandidate o ocjeni opšte i posebne zdravstvene sposobnosti.

Nepristupanje ili kašnjenje kandidata iz bilo kojeg razloga zakazanom terminu ljekarskog pregleda smatra se kao odustanak kandidata od podnesene prijave na javni konkurs.

Obavještavaju se kandidati koji su stekli pravo pristupa ljekarskom pregledu da u danima prije termina određenog za ljekarski pregled, ne smiju koristiti bilo kakve medikamente ili druge supstance koji mogu utjecati na rezultate nalaza krvi (sve vrste sirupa protiv kašlja, hrana sa sastojcima maka i slično), kao i da prilikom ljekarskog pregleda trebaju obavijestiti ljekara o eventualnoj terapiji koja može utjecati na rezultate nalaza krvi. Kandidati na dan ljekarskog pregleda, prije istog ne smiju konzumirati piće i hranu.

Nakon okončanog ljekarskog pregleda najbolje rangiranih kandidata, a ukoliko neki od 200 upućenih kandidata ne prođe/ne prođu ljekarski pregled, na ljekarski pregled se upućuje sljedeći kandidat/kandidati sa najviše ostvarenih bodova do popune broja oglašanih radnih mjesta.

Kandidati su dužni pridržavati se važećih epidemioloških mjera, te su dužni sa sobom ponijeti zaštitnu masku.

Žalba na ovu obavijest nije propisana Zakonom o policijskim službenicima Kantona Sarajevo ("Službene novine Kantona Sarajevo" broj: 38/18, 26/19 i 39/20) i Pravilnikom o sadržaju načinu i rasporedu testiranja i sistemu bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 18/21).

KOMISIJA ZA IZBOR